

NOORD-BOLAND: WATERGAT

SOETES EN SOP ~ Julie 2018

Almal het met groot opgewondenheid reggemaak vir 'n heerlike saamkuier naweek! Die weer was ook baie lekker ~ en ons was 17 woonwaens en 2 tente (verskeie vriende) wat die naweek saam gekamp het.



Heerlike naweek gehad by Watergat ~
ontspan ~ kuier ~ braai ~ sonskyn!





Die Saterdag-oggend het lekker koud begin ~ maar almal het sommer gou lekker begin “opwarm” met die “sop en soetes” 😊

Oral het ons bekendes raakgehoop en saamgekuier met die ander Sawanante – wat ook in die omgewing gekamp het. Hierdie is ‘n naweek wat nie misgeloop moet word nie.







Dit is heerlijk om so tussen die “tenks” binne-in die wynkelders te kuier. Baie interessant om te hoor hoe alles ook daar gedoen word. Die pragtige uitsigte oor die wingerde en berge ~ moet ook nie vergeet word nie – asemrowende uitsigte!

By sommige kelders was heerlike stalletjies met ander kosse ook ~ asook alle interessante goedjies om te koop.







As julle nog nie die “sonsopkomste” en “sonsondergange” by Watergat kampterrein gesien het nie – veral met die mis in die oggend – dan het jy definitief iets gemis!!!

Elke aand het ons heerlijk om lekker groot braaivleisvure gekuier.

Sondagoggend het ons 'n interessante besprekings godsdiensooggend gehad. Daarna het ons ons gebruikelike sawa vergadering gehou ~ gehoor van al die lief en leed en sommer net saamkuier en alle sawa-nuus oordra aan almal.

Greg het ook die kampeiersplaatjie aan Martin & Rhona Keulder oorhandig. Hulle is hartlik bedank vir 'n baie lekker kuiernaweek e nook 'n spesiale dankie aan hulle wat vir ons Saterdag-aand heerlike nagereg vir almal voorsien het na ons lekker gebraaie het! Dit was 'n treffer!

Die middag het 'n klompie nog lekker saamgebraaie voordat ons vertrek het. 2 "gelukkiges" kon nog 'n aand oorbly – die "afgetredenes" se voorreg! Hulle het 'n pragtige sonsondergang gehad en Sondagoggend ook nog lekker om die vuur gekuier. ☺

Veilig sleep en warm bly ~ tot volgende keer. Hoop almal kan ons AJV (Algemene Jaarvergadering) naweek van 24-25 Augustus 2018 bywoon wat ook tydens ons volgende kamp gehou gaan word. Ons gaan weer heerlijk kuier ~ met 'n paar verrassings ~ hier by Watergat!



Fotoblad saamgestel deur: Corrie Schmiedeskamp

Verskeie fotos gebruik / ook van Hannes & Marietjie